

Pedro Quandus: "Di cantante pa dirigente"

Diasabra awor e festival di tumba di carnaval di Aruba ta ser dedica na Sr. Pedro Quandus.

Den añanan 60 Pedro Quandus a bin descubri cu e tabata tin talento musical. Talento musical tambe cu el a desaroya na aña 1967 den un combo di e tempo ey, "Combo Oriental", ora cu el a wordo pidi pa forma parti como cantante lider di e combo. Dos exito masha popular a haci di Pedro Quandus e tempo ey un cantante hopi solicita pa fiesta nan. Popular e tempo ey tabata "Llave al candal", un guaracha y "Con la pata pela", un merengue colombiano. Pero na aña 1969 Combo Oriental a disolve.

Pedro Quandus despues a tuma decision tambe di stop di canta, maske cu ofertanan tabata yobe di tur banda pa e sigui canta. El a prefera di stop, pa e por a ocupa su mes cu otro aspecto musical, cu ta esun di dirigente.

Instrumento di percusion cu Pedro Quandus ta toca ta conga, y tambora.

Na 1970 Pedro Quandus a pasa di cantante pa dirigente di un steelband cu su ruman Martin Quandus tabata preparando.

Bao guia di Pedro Quandus e steelband a destaca cu logronan grandi.

Na 1972 campeon di e Pan O Rama Contest. Na 1974 campeon atrobe y na 1977 y 1979 di dos finalista di e Pan O Rama Steelband contest. El a dirigi eleven Friends na 1972, United Friends na 1974, United Friends na 1977 y Boegoeroei Stars na 1979 cu cualnan el a gana e titulongan menciona.

Na 1972 mientras Pedro Quandus tabata dirigi



steelband, el a forma un conhuntio musical tambe cu a haya number di "Unidad Latina", cu Martin Quandus. E mes tabata dirigi y na 1976 e banda a bira revolucion Latina di e popular cantante y compositor/areglista Martin Quandus.

Logronan di "La Revolucion latina" tabata hopi durante su existencia entre añanan 1976 y 1984 pa ta exacto.

Diez dos aña consecutivo den tumba contest di 1973 pa 1984. Dos biaha a logra Rey di Tumba cu Ito Dania, 1982 y 1983 y prome finalista na 1984. Tres biaha prome finalista y 2 segundo finalista cu Martin Quandus. Na 1979 revista Amistad a escoge e agrupacion como Conhuntio di aña. Durante carnaval na 1982 SAC a escoge e banda como banda di aña di carnaval.

Nan a graba dos longplay na Medellin, Colombia y cu fiestanan Pedro a toca cu e banda dos aña mas cu tabata 1978 y 1979. Pa cera su carera musical na 1984 y 1985 Pedro Quandus tabata e maximo dirigente di Grupo Candela cu tambe a dune hopi satisfaccion.

Pedro Quandus ta laga atras varios longplay graba, disconan 45 y cassette. Actualmente e ta cantante activo di Dande pasando cas pa cas dunando su aporte na grandece nos folklore arubano.

J+R Take Away Pos Chiquito 71-B
Tel: 584-2275

Habri for di 11'or am te den oranan laat.

Cuminda Criollo tur dia, nos tin Pisca Mochi Corra, Jampawu.

Diabierna nos tin Soppi Jambo.

Diabierna y Diasabra nos tin **"HAPPY HOUR"**
entre 5'or pm - 7'or pm. Welcome Snacks GRATIS.

Heineken Afl. 3,25
Budweiser Afl. 3,25

Polar Afl. 3,25
Balashi Afl. 2,25

